

148

Na osnovu člana 39. Ustava Hercegovačko-neretvanskog kantona ("Službene novine HNK", br.: 2/98, 4/00 i 7/04), člana 1. stav 2. i čl. 196. i 219. Zakona o izvršenju krivičnih sankcija u Federaciji Bosne i Hercegovine ("Službene novine Federacije Bosne i Hercegovine", br.: 44/98, 42/99 i 12/09), Skupština Hercegovačko-neretvanskog kantona, na sjednici održanoj dana 28.05.2009. godine, donijela je

**Z A K O N
O IZVRŠENJU SANKCIJA U
HERCEGOVAČKO-NERETVANSKOM
KANTONU**

DIO PRVI - OSNOVNE ODREDBE

Član 1.

Ovim Zakonom uređuje se izvršenje novčane kazne izrečene pravnom licu za krivično djelo, izvršenje mjera sigurnosti i odgojnih mjer izrečenih počiniocu krivičnog djela, odgoda i prekid izvršenja odgojnih mjer, izvršenje prekršajnih sankcija, osim novčane kazne izrečene fizičkom licu, kao i druga pitanja od značaja za izvršenje sankcija u Hercegovačko-neretvanskom kantonu (u daljem tekstu: Kanton).

Član 2.

Sankcije i mjere iz člana 1. ovog Zakona, izrečene počiniocu krivičnog djela (u daljem tekstu: osuđeno lice) i prekršaja (u daljem tekstu: kažnjeno lice) izvršavaju se na način uređen ovim Zakonom.

Član 3.

- (1) Na teritoriji Kantona, sankcije i mjere iz člana 1. ovog Zakona, za osuđena lica i kažnjena lica, koja imaju prebivalište, boravište, odnosno sjedište na teritoriji Kantona (u daljem tekstu: prebivalište), izvršavaju sljedeći organi:
 - a) sud koji je donio prvostepenu odluku kojom je sankcija izrečena (u daljem tekstu: prvostepeni sud),
 - b) općinski sudovi u Kantonu, na čijem području osuđeno, odnosno kažnjeno lice ima prebivalište (u daljem tekstu: općinski sud),
 - c) "Centar za socijalni rad" općine, odnosno Grada na čijem području osuđeno maloljetno lice ima prebivalište (u daljem tekstu: centar za socijalni rad),

d) Ministarstvo unutrašnjih poslova Kantona - policijska uprava općine, odnosno Grada na teritoriji Kantona u kojem osuđeno, odnosno kažnjeno lice ima prebivalište (u daljem tekstu: policijska uprava),

e) nadležni inspekcijski organ čije je sjedište na teritoriji Kantona (u daljem tekstu: inspekcijski organ).

- (2) Organi iz stava 1) ovog člana izvršavaju i sankcije i mjere koje su osuđenim, odnosno kažnjenim licima, koja imaju prebivalište na teritoriji Kantona, izrekli sudovi i drugi ovlašteni organi čije sjedište nije na teritoriji Kantona.
- (3) Sankcije i mjere koje su osuđenim, odnosno kažnjenim licima, koja nemaju prebivalište, odnosno sjedište na teritoriji Kantona, izrekli sudovi ili drugi organi čije je sjedište na teritoriji Kantona, izvršavaju ovlašteni organi određeni zakonom Kantona u kojem osuđeno, odnosno kažnjeno lice ima prebivalište.

Član 4.

Lica prema kojima se izvršavaju sankcije i mjere lišavaju se prava ili se ograničavaju u pravima samo u granicama nužnim za ostvarivanje svrhe pojedinih sankcija i mjer, u skladu sa zakonom.

Član 5.

- (1) Izvršenju sankcije i mjere pristupa se kad odluka kojom je sankcija, odnosno mjera izrečena postane pravosnažna i ako za izvršenje sankcije, odnosno mjere nema zakonskih smetnji (u daljem tekstu: izvršna odluka).
- (2) Izuzetno s izvršenjem sankcije i mjere može se otpočeti i prije nego što je odluka kojom je sankcija, odnosno mjera, izrečena postala pravosnažna, ali samo ako je to zakonom posebno predviđeno.

Član 6.

- (1) Kad su ispunjeni uvjeti da se pristupi izvršenju sankcije, odnosno mjere, organ koji je izrekao sankciju, odnosno mjeru, obavezan je preduzeti sve potrebne radnje da se izvršenje sankcije, odnosno mjere, provede bez odgađanja, u skladu s ovim Zakonom.
- (2) Izvršenje sankcije, odnosno mjere, može biti odgođeno samo u slučajevima i pod uvjetima predviđenim zakonom.

Član 7.

Organ koji je donio prvostepenu odluku kojom je sankcija, odnosno mjera, izrečena dužan je, ako nije nadležan da je sam izvrši, izvršnu odluku dostaviti organu nadležnom za izvršenje, najkasnije u roku tri

Hercegovačko-neretvanskog kantona

dana od dana kada je odluka postala izvršna, odnosno od dana kada je tu odluku primio od višeg organa.

Član 8.

- (1) Organi vlasti, ustanove i druga pravna lica, u čijem djelokrugu je primjena zdravstvenih, socijalnih, odgojnih ili drugih mjera od značaja za izvršenje pojedinih sankcija i mjera, obavezni su sarađivati s ustanovama u kojima se izvršavaju sankcije, odnosno mjere (u daljem tekstu: ustanove).
- (2) U cilju što potpunijeg ostvarivanja svrhe pojedinih sankcija i mjera, ustanove sarađuju s pravnim licima koja bi im, prema svojoj djelatnosti, mogla pružiti pomoć.
- (3) Ustanove su dužne omogućiti domaćim i međunarodnim organizacijama i drugim institucijama nadležnim za praćenje i ostvarivanje ljudskih prava i osnovnih sloboda, pristup i razgovor s osuđenim, odnosno kažnjениm licima, u skladu sa zakonom i odgovarajućim međunarodnim dokumentima.

Član 9.

Lice prema kojem je primjenjena sankcija, odnosno mjera, ne plaća troškove izvršenja, osim troškova novčane kazne, kao i drugih troškova u skladu sa zakonom.

Član 10.

Za podneske, službene radnje, rješenja i druge akte u vezi s izvršenjem sankcija, odnosno mjera, ne plaća se taksa.

Član 11.

- (1) Ministarstvo pravosuđa, uprave i lokalne samouprave Hercegovačko-neretvanskog kantona (u daljem tekstu: Ministarstvo pravosuđa) prati i proučava izvršenje sankcija i mjera, analizira izvještaje o izvršenju pojedinih sankcija i mjera i predlaže mjere za unapređenje njihovog izvršenja.
- (2) Kantonalni ministar pravosuđa može osnovati stručni savjet iz reda predstavnika naučnih ustanova, sudova, organa uprave, stručnih udruženja i drugih institucija koje se bave pitanjima odgoja, kriminaliteta i prekršaja, radi praćenja, proučavanja i unapređenja sistema izvršenja sankcija, odnosno mjera.

Član 12.

Poslovi izvršenja sankcija i mjera, propisani ovim Zakonom, su poslovi od posebnog interesa za Kanton.

DIO DRUGI - IZVRŠENJE NOVČANE KAZNE I MJERA SIGURNOSTI IZREČENIH ZA UČINJENO KRIVIČNO DJELO**POGLAVLJE I - IZVRŠENJE NOVČANE KAZNE IZREČENE OSUĐENOM PRAVNOM LICU****Član 13.**

Novčanu kaznu izrečenu osuđenom pravnom licu izvršava prvostepeni sud koji je izrekao novčanu kaznu.

Član 14.

Novčana kazna izrečena osuđenom pravnom licu izvršava se direktnom prinudnom naplatom - blokiranjem računa pravnog lica, u skladu s propisima kojima se reguliše izvršni postupak.

POGLAVLJE II - IZVRŠENJE MJERA SIGURNOSTI

Odjeljak A. Zabранa vršenja poziva, aktivnosti ili funkcije

Član 15.

- (1) Radi izvršenja mjere zabrane vršenja određenog poziva, aktivnosti ili funkcije, prvostepeni sud dostavlja izvršnu odluku organu uprave nadležnom za izdavanje dozvole, odnosno odobrenja za vršenje određenog poziva, aktivnosti ili funkcije, radi evidentiranja izrečene mjere, kao i nadležnom inspekcijskom organu.
- (2) Izvršnu odluku, kojom je izrečena mjera sigurnosti iz stava 1) ovog člana, prvostepeni sud dostavlja i pravnom ili drugom licu kod kojeg osuđeno lice obavlja poziv, aktivnost ili funkciju.

Član 16.

- (1) Inspekcijski organ iz člana 15.stav (1) ovog Zakona, kao i pravno i drugo lice iz stava (2) člana 15. ovog Zakona, stara se da osuđeno lice, u roku koji je određen odlukom, ne vrši zabranjeni poziv, aktivnost ili funkciju.
- (2) Ako posebnim propisom nije drukčije određeno, osuđeno lice koje vrši poziv, aktivnost ili funkciju koja mu je zabranjena, kaznit će se za prekršaj novčanom kaznom od 200 do 1.000 KM.
- (3) Pravno lice koje osuđenom licu povjeri vršenje poziva, aktivnosti ili funkcije koja mu je zabranjena, kaznit će se za prekršaj novčanom kaznom od 3.000 do 10.000 KM, a odgovorno lice u tom pravnom licu, novčanom kaznom od 200 do 1.000 KM.

Odjeljak B. Zabrana upravljanja motornim vozilom

Član 17.

Mjeru sigurnosti zabrane upravljanja motornim vozilom izvršava policijska uprava na način i po postupku propisanim zakonom i provedbenim propisom kojim se reguliše postupak i način izvršenja mjeru sigurnosti i zaštitne mjeru zabrane upravljanja motornim vozilom.

Odjeljak C. Oduzimanje predmeta

Član 18.

- (1) Mjeru sigurnosti oduzimanja predmeta, izrečenu osuđenom licu i osuđenom pravnom licu, izvršava prvostepeni sud, po propisima kojima je reguliše izvršni postupak, a prema prirodi predmeta odredit će da li će se ti predmeti prodati po propisima izvršnog postupka ili će se uništiti ili ustupiti određenom državnom organu ili organizaciji.
- (2) Troškove, koji nastanu prinudnim izvršenjem mjeru sigurnosti iz stava 1) ovog člana, snosi lice kome je ta mjeru izrečena.
- (3) Sredstva ostvarena prodajom predmeta iz stava (1) ovog člana pripadaju odgovarajućem budžetu, u skladu sa zakonom koji uređuje pripadnost javnih prihoda.

Odjeljak D. Zabrana vršenja određene privredne aktivnosti

Član 19

Radi izvršenja mjeru sigurnosti zabrane obavljanja određene privredne aktivnosti, koja je izrečena osuđenom pravnom licu, prvostepeni sud dostavlja izvršnu odluku sudu u kojem je osuđeno pravno lice registrovano, radi upisa zabrane u registar, kao i nadležnom inspekcijskom organu.

Član 20.

- (1) Inspekcijski organ iz člana 19. ovog Zakona stara se da osuđeno pravno lice ne vrši zabranjenu privrednu aktivnost.
- (2) Ako posebnim propisom nije drukčije određeno, osuđeno pravno lice koje obavlja privrednu aktivnost koja mu je zabranjena kaznit će se novčanom kaznom od 3.000 do 10.000 KM, a odgovorno lice u tom pravnom licu novčanom kaznom od 200 do 1.000 KM.

DIO TREĆI - IZVRŠENJE ODGOJNIH MJERA IZREČENIH OSUĐENOM MALOLJETNOM LICU

Član 21.

Odgojne mjeru (disciplinske mjeru i mjeru pojačanog nadzora), izrečene osuđenom maloljetnom licu, izvršavaju se na način i po postupku utvrđenim odredbama Krivičnog zakona Federacije Bosne i Hercegovine i Zakona o izvršenju krivičnih sankcija u Federaciji Bosne i Hercegovine (u daljem tekstu: Federalni zakon), koje se odnose na izvršenje odgojnih mjeru, i ovim Zakonom.

POGLAVLJE I - IZVRŠENJE DISCIPLINSKE MJERE UPUĆIVANJA U DISCIPLINSKI CENTAR ZA MALOLJETNIKE

Član 22.

Disciplinska mjeru upućivanje u disciplinski centar za maloljetnike izvršava se u disciplinskom centru za maloljetnike (u daljem tekstu: disciplinski centar).

Član 23.

Disciplinski centar za maloljetnike kao posebnu javnu ustanovu osniva Kanton.

Član 24.

Do osnivanja disciplinskog centra, disciplinska mjeru iz člana 22. ovog Zakona, izuzev disciplinske mjeru upućivanja maloljetnika na neprekidni boravak u disciplinski centar do 20 dana izvršava se u nadležnom općinskom, odnosno gradskom centru za socijalni rad ili u okviru odgojno-obrazovne ustanove koju odredi nadležni općinski, odnosno gradski centar za socijalni rad.

Izvršenje disciplinske mjeru upućivanja maloljetnika na neprekidni boravak u disciplinski centar do 20 dana odgađa se do osnivanja disciplinskog centra iz prethodnog člana.

Član 25.

Izvršnu odluku, kojom je maloljetniku izrečena disciplinska mjeru upućivanja u disciplinski centar za maloljetnike, općinski sud dostavlja nadležnom općinskom, odnosno gradskom centru za socijalni rad.

Član 26.

- (1) Nadležni općinski, odnosno gradski centar za socijalni rad u dogовору с disciplinskim centrom, poziva maloljetnika da se određenog dana i sata, u pratnji roditelja, usvojitelja ili staratelja, javi u

disciplinski centar, zbog izvršenja disciplinske mjere.

- (2) Izvršenje disciplinske mjere upućivanja u disciplinski centar počinje od dana kad se maloljetnik javi u disciplinski centar.

Član 27.

- (1) Roditelj, usvojitelj ili staratelj maloljetnika dužan je osigurati redovni dolazak maloljetnika u disciplinski centar, najkasnije u roku od 48 sati, a u slučaju da maloljetnik, iz opravdanih razloga, bude spriječen doći određenog dana u disciplinski centar, dužan je o tome odmah obavijestiti disciplinski centar.
- (2) Ako se maloljetnik određenog dana i u određeno vrijeme ne javi disciplinskom centru za maloljetnike ili prestane redovno dolaziti, disciplinski centar o tome obavještava nadležni općinski, odnosno gradski centar za socijalni rad i općinski sud, zbog preduzimanja odgovarajućih mjer.

Član 28.

- (1) Disciplinska mjera upućivanja u disciplinski centar za maloljetnike na određeni broj sati u praznične dane ili na određeni broj sati u toku dana, izvršava se između 8 i 20 sati, u slobodnom vremenu maloljetnika usklađenom sa školskim i radnim obavezama.
- (2) Maloljetniku, upućenom u disciplinski centar na neprekidni boravak na utvrđeni broj dana, osigurava se smještaj i ishrana.

Član 29.

- (1) Disciplinski centar donosi plan i program za rad s maloljetnikom.
- (2) Disciplinski centar organizuje obavljanje korisnih radova prilagođenih uzrastu maloljetnika, sklonostima i sposobnostima, a u skladu s utvrđenim školskim ili radnim obavezama maloljetnika.

Član 30.

- (1) Maloljetnik je dužan da se, u disciplinskom centru, pridržava pravila kućnog reda i uputstava i savjeta ovlaštenih stručnih radnika.
- (2) Ako se, zbog nediscipline maloljetnika ili lica iz člana 27. ovog Zakona, mjera upućivanja u disciplinski centar za maloljetnike ne može izvršiti, disciplinski centar, najkasnije u roku od 48 sati, o tome obavještava nadležni općinski, odnosno gradski centar za socijalni rad i općinski sud, zbog preduzimanja odgovarajućih mjer.

Član 31.

Odredbe člana 26. do 30. ovoga Zakona shodno se primjenjuju i u slučaju kada se disciplinska mjera upućivanja u disciplinski centar za maloljetnike izvršava prema odredbama člana 24. stav 1. ovog Zakona.

POGLAVLJE II - IZVRŠENJE MJERA POJAČANOG NADZORA

Odjeljak A. Pojačan nadzor od strane roditelja, usvojitelja ili staratelja

Član 32.

Izvršenje mjere pojačanog nadzora od strane roditelja, usvojitelja ili staratelja počinje od dana kad se roditeljima, usvojitelju ili staratelju maloljetnika dostavi izvršna odluka općinskog suda zbog izvršenja ove mjere.

Član 33.

Izvršenje mjere iz člana 32. ovog Zakona obuhvata stalnu i punu brigu roditelja, staratelja ili usvojitelja u odgoju maloljetnika, brigu oko razvijanja radnih navika maloljetnika, odvajanje iz sredine koja na maloljetnika štetno utiče, sređivanje prilika u kojima maloljetnik živi, razvijanje osjećaja lične odgovornosti i podsticanje da i sam učestvuje u svome preodgoju.

Član 34.

Ako je općinski sud dao potrebne upute i naložio određene dužnosti u pogledu mjera koje treba preduzeti za odgoj maloljetnika, njegovo liječenje i za otklanjanje štetnih uticaja na njega, roditelji, usvojitelj ili staratelj dužni su postupati po ovim uputama i izvršavati naložene dužnosti.

Član 35.

- (1) Ako je općinski sud, pri izricanju mjere iz člana 32. ovog Zakona, odredio da nadležni organ socijalne zaštite provjerava njeno izvršenje i ukazuje pomoći roditelju, usvojitelju ili staratelju, odluka općinskog suda dostavlja se nadležnom općinskom, odnosno gradskom centru za socijalni rad.
- (2) U slučaju iz prethodnog stava ovog člana, nadležni općinski, odnosno gradski centar za socijalni rad dužan je :
- pozivati maloljetnika i njegove roditelje, usvojitelja ili staratelja, zbog vođenja razgovora o pitanjima vezanim za izvršenje izrečene mјere,
 - provjeravati, u saradnji sa školom, preuzećem ili drugim pravnim licem, odnosno organizacijom

- u kojoj maloljetnik radi ili je uključen, odnos maloljetnika prema radnim obavezama, kao i njegovo ponašanje prema drugim licima,
- c) pružati pomoć maloljetniku, putem saradnje s odgovarajućim ustanovama, kad roditelji, usvojitelj ili staratelj nisu u stanju sami postupiti po datim uputama i nalozima.

Član 36.

Ako maloljetnik, za vrijeme izvršavanja mjere pojačanog nadzora od strane roditelja, usvojitelja ili staratelja, promijeni prebivalište, odnosno boravište, roditelji, usvojitelj ili staratelj dužni su da o tome odmah obavijeste općinski sud.

Odjeljak B.Pojačan nadzor u drugoj porodici

Član 37.

- (1) Izvršna odluka općinskog suda, kojom je izrečena mjera pojačanog nadzora u drugoj porodici, izvršava se u porodici koja je primila maloljetnika i vrši nad njim pojačani nadzor.
- (2) Nadležni općinski, odnosno gradski centar za socijalni rad vrši provjeravanje izvršenja mjere iz stava (1) ovog člana i ukazuje potrebnu pomoć porodici koja je primila maloljetnika.

Član 38.

Nadležni općinski, odnosno gradski centar za socijalni rad, u saradnji s nadležnim organima u mjesnim zajednicama na teritoriji Kantona, pronalazi porodice koje su voljne primiti maloljetnika i koje imaju mogućnosti vršiti nad njim pojačani nadzor.

Član 39.

Nadležni općinski, odnosno gradski centar za socijalni rad određuje, iz spiska porodica kod kojih se mogu smjestiti maloljetnici, porodicu u kojoj će maloljetnik biti smješten radi izvršenja mjere pojačanog nadzora u drugoj porodici i o tome obavještava općinski sud.

Član 40.

- (1) Nadležni općinski, odnosno gradski centar za socijalni rad smješta maloljetnika u porodicu u kojoj će se izvršavati izrečena mjera, u skladu s propisima kojima se reguliše smještaj u drugu porodicu.
- (2) Troškove izvršenja mjere pojačanog nadzora u drugoj porodici snosi Kanton.

Član 41.

Općinski sud može, na prijedlog nadležnog općinskog, odnosno gradskog centra za socijalni rad ili kad sam ocjeni, odrediti smještaj maloljetnika u drugu porodicu iz člana 38. ovog Zakona, ako su se prilike u porodici u kojoj je maloljetnik smješten toliko izmijenile da ne osiguravaju pravilno izvršenje izrečene mjere.

Član 42.

Za vrijeme izvršenja mjere pojačanog nadzora u drugoj porodici, a u cilju osiguravanja uvjeta za vraćanje maloljetnika u njegovu porodicu, nadležni općinski, odnosno gradski centar za socijalni rad dužan je uticati na sređivanje prilika u porodici iz koje je maloljetnik izdvojen.

Član 43.

Odredbe članova 32. do 36. ovog Zakona shodno se primjenjuju i na izvršenje mjere pojačanog nadzora u drugoj porodici.

Odjeljak C.Pojačan nadzor od strane nadležnog organa socijalne zaštite

Član 44.

Odluku općinskog suda, kojom je izrečena mjera pojačanog nadzora od strane nadležnog organa socijalne zaštite, izvršava nadležni općinski, odnosno gradski centar za socijalni rad.

Član 45.

- (1) Po prijemu izvršne odluke općinskog suda iz člana 44. ovog Zakona, nadležni općinski, odnosno gradski centar za socijalni rad dužan je :
- ostvarivati neposredni kontakt s maloljetnikom i njegovom porodicom, putem razgovora, posjeta,obilazaka i na drugi pogodan način,
 - uspovestiti stalnu saradnju sa školom, odnosno pravnim i drugim licem, gdje maloljetnik živi i radi.
- (2) Obrazovne, odgojne, zdravstvene i druge ustanove, kao i udruženja, odnosno društva koja okupljaju djecu i omladinu, dužna su da sarađuju s nadležnim općinskim, odnosno gradskim centrom za socijalni rad i pružiti mu pomoć u izvršenju mjere iz stava 1) ovog člana.

Član 46.

Roditelji, usvojitelj ili staratelj maloljetnika dužni su obavještavati nadležni općinski, odnosno gradski centar za socijalni rad o okolnostima i prilikama koje negativno utiču na uspješno izvršenje mjere pojačanog

nadzora od strane nadležnog organa socijalne zaštite, kako bi nadležni općinski, odnosno gradski centar za socijalni rad preduzeo odgovarajuće mjere na koje je ovlašten zakonom.

POGLAVLJE III - ODGODA I PREKID IZVRŠENJA ODGOJNIH MJERA

Odjeljak A.Odgoda i prekid mjere upućivanja u disciplinski centar i mjere pojačanog nadzora u drugoj porodici

Član 47.

- (1) Izvršenje odgojnih mjer u upućivanju u disciplinski centar za maloljetnike i pojačanog nadzora u drugoj porodici, može se odgoditi na molbu maloljetnika, njegovog roditelja, staratelja ili usvojitelja, bračnog druga ili na prijedlog nadležnog općinskog, odnosno gradskog centra za socijalni rad, u slučaju:
 - a) ako je maloljetnik obolio od teže akutne bolesti,
 - b) ako se desio smrtni slučaj ili teška bolest u užoj porodici maloljetnika,
 - c) ako se maloljetnik nalazi neposredno pred završetkom škole ili polaganja ispita za koji se pripremao, pa bi mu izvršenje odgojne mjere u ovom momentu moglo nepovoljno uticati na izvršenje tih obaveza,
 - d) ako trudnoj maloljetnici do porođaja ne preostaje više od pet mjeseci, kao i maloljetnici koja ima dijete mlađe od jedne godine života.
- (2) Izvršenje odgojne mjere u slučaju iz tačke a) stava 1) ovog člana može se odgoditi, dok bolest traje, u slučaju iz tačke b) stava (1) ovog člana - najduže za tri mjeseca, u slučaju iz tačke c) stava (1) ovog člana - najduže za šest mjeseci, a u slučaju iz tačke d) stava (1) ovog člana, trudnoj maloljetnici, kao i maloljetnici koja ima dijete mlađe od jedne godine života - do navršene jedne godine života djeteta.

Član 48.

- (1) Molba za odgodu izvršenja odgojne mjere podnosi se općinskom sudu.
- (2) Molba iz stava (1) ovog člana podnosi se u roku od tri dana od dana prijema poziva za izvršenje odgojne mjere.
- (3) Ako je razlog za odgodu izvršenja odgojne mjere iz stava (1) tačke a) i b) člana 47. ovog Zakona nastao nakon isteka roka iz stava (1) ovog člana, molba se može podnijeti do dana kad maloljetnik treba da se javi zbog izvršenja odgojne mjere.

- (4) U molbi se moraju navesti razlozi, činjenice i dokazi na kojima se zasniva molba za odgodu izvršenja odgojne mjere.

Član 49.

- (1) O molbi za odgodu izvršenja odgojne mjere odlučuje rješenjem općinski sud, u roku od tri dana od dana prijema molbe.
- (2) Prije donošenja rješenja iz stava (1) ovog člana, sudija za maloljetnike može povjeriti nadležnom općinskom, odnosno gradskom centru za socijalni rad da izvrši provjeru činjenica navedenih u molbi.
- (3) Molbu koja nije podnesena u roku iz stava (2) člana 48. ovog Zakona ili koja ne sadrži razloge, dokaze i činjenice za odgodu, sud odbacuje rješenjem.
- (4) Do donošenja rješenja o molbi, odgada se početak izvršenja odgojne mjere.

Član 50.

- (1) Protiv rješenja kojim se odbija molba za odgodu izvršenja odgojne mjere, podnositelj ima pravo žalbe u roku od tri dana od dana prijema rješenja, Kantonalnom sudu u Mostaru (u daljem tekstu: Kantonalni sud).
- (2) Kantonalni sud donosi rješenje o žalbi u roku od tri dana od dana prijema žalbe.
- (3) Rješenje iz stava 2) ovog člana je konačno i dostavlja se, u roku od tri dana, podnosiocu molbe i disciplinskom centru, odnosno nadležnom općinskom, odnosno gradskom centru za socijalni rad.

Član 51.

Općinski sud može donijeti rješenje o odgodu izvršenja odgojne mjere i kada je podignut zahtjev za ponavljanje krivičnog postupka.

Član 52.

- (1) Na molbu maloljetnika, njegovog roditelja, usvojitelja, staratelja ili nadležnog općinskog, odnosno gradskog centra za socijalni rad, može se dozvoliti prekid izvršenja odgojne mjere.
- (2) Na prekid izvršenja odgojne mjere shodno se primjenjuju odredbe čl. 47. do 51. ovog Zakona.
- (3) Vrijeme prekida ne uračunava se u vrijeme izvršenja odgojne mjere.

Član 53.

- (1) Odredbe čl. 47. do 52. ovog Zakona shodno se primjenjuju na odgodu i prekid izvršenja zavodske odgojne mjere upućivanja u odgojnu ustanovu,

- u odgojno-popravni dom ili u drugu ustanovu za osposobljavanje (u daljem tekstu: zavodska odgojna mjera).
- (2) Vrijeme prekida ne uračunava se u vrijeme izvršenja zavodske odgojne mjere.
 - (3) Prekid izvršenja zavodske odgojne mjere upućivanja u drugu ustanovu za osposobljavanje ne može se dozvoliti ako je ova odgojna mjera izrečena maloljetniku umjesto mjere sigurnosti obaveznog psihijatrijskog liječenja i čuvanja u zdravstvenoj ustanovi.

DIO ČETVRTI - IZVRŠENJE PREKRŠAJNIH SANKCIJA

POGLAVLJE I - UKOR I ZAŠTITNE MJERE

Član 54.

- (1) Izrečena sankcija ukora u prekršajnom postupku izvršava se tako da se posebno evidentira u općinskom sudu.
- (2) Općinski sud utvrdit će način vođenja evidencije iz stava 1) ovog člana.

Član 55.

- (1) Zaštitnu mjeru oduzimanja predmeta izvršava općinski sud, na način propisan zakonom.
- (2) Troškove, koji nastanu prinudnim izvršenjem zaštitne mjere iz stava 1) ovog člana snosi lice kome je ta mjera izrečena.

Član 56.

Zaštitna mjera zabrane vršenja poziva, aktivnosti ili funkcije izvršava se na način propisan u čl. 15. i 16. ovog Zakona za izvršenje mjere sigurnosti zabrane vršenja poziva, aktivnosti ili funkcije.

Član 57.

Zaštitna mjera potpune ili djelimične zabrane upravljanja motornim vozilom izvršava se na način propisan u članu 17. ovog Zakona za izvršenje mjere sigurnosti zabrane upravljanja motornim vozilom.

Član 58.

- (1) Zaštitna mjera vanbolničko liječenje od zavisnosti izvršava se u ovlaštenoj ustanovi koju odredi općinski sud, na način koji odredi općinski sud.
- (2) Troškove obaveznog liječenja, za lice koje nije zdravstveno osigurano, kao i dio troškova koje, po posebnim propisima, snosi sam osiguranik, za kažnjeno lice koje ima prebivalište na području Kantona, snosi Kanton.

Član 59.

Druge zaštitne mjere propisane posebnim zakonom izvršavaju se na način i pod uvjetima utvrđenim tim zakonom i zakonom kojim su regulisani prekršaji u Federaciji Bosne i Hercegovine.

Član 60.

Ovlašteni organ za izdavanje prekršajnog naloga dužan je, u roku od tri dana od dana kada je prekršajni nalog kojim je izrečena zaštitna mjera iz čl. 55. i 57. ovog Zakona postao konačan i izvršan, dostaviti taj prekršajni nalog općinskom sudu radi izvršenja.

DIO PETI - IZVJEŠTAVANJE O IZVRŠENJU SANKCIJA

Član 61.

- (1) Organi iz člana 3. ovog Zakona, dužni su podnosit izvještaj Skupštini Kantona o izvršenju sankcija iz člana 1. ovog Zakona, najmanje jedanput godišnje.
- (2) Organi iz stava (1) ovog člana dužni su, po zahtjevu Skupštine Kantona ili Ministarstva pravosuđa, podnosit izvještaje o izvršenju sankcija i za kraći period ili samo za određenu vrstu sankcija.

Član 62.

Izvještaj o izvršenju sankcija iz člana 61. ovog Zakona podnosi se putem Ministarstva pravosuđa, uprave i lokalne samouprave, po metodologiji koju pravilnikom utvrđuje kantonalni ministar pravosuđa, uprave i lokalne samouprave.

DIO ŠESTI - PRIJELAZNE I ZAVRŠNE DREDBE

Član 63.

- (1) Po odredbama ovog Zakona izvršavaju se i pravosnažne odluke inozemnih sudova, ukoliko posebnim zakonom Bosne i Hercegovine ili međunarodnim ugovorom nije drukčije određeno.
- (2) Po odredbama ovog Zakona izvršavaju se i sankcije izrečene stranim državljanima i licima bez državljanstva, ukoliko posebnim zakonom Bosne i Hercegovine ili međunarodnim ugovorom nije drukčije određeno.
- (3) Na izvršenje krivičnih sankcija i mjera pritvora koje je izrekao Sud BiH, primjenjivati će se odgovarajući zakoni BiH.

Član 64.

Disciplinski centar za maloljetnike kao posebna kantonalna javna ustanova osnovati će se i početi s

radom u roku od 6 mjeseci od dana stupanja na snagu ovog Zakona.

Član 65.

Pravilnik iz člana 62. ovog Zakona, ministar pravosuđa, uprave i lokalne samouprave donijet će u roku od 60 dana od dana stupanja na snagu ovog Zakona.

Član 66.

Gramatička terminologija korištenja muškog ili ženskog roda u ovom Zakonu podrazumijeva uključivanje oba roda.

Član 67.

Stupanjem na snagu ovog Zakona prestaje primjena Zakona o izvršenju sankcija u Hercegovačko-neretvanskom kantonu (Sl. novine HNK br: 03/2000).

Član 68.

Ovaj Zakon stupa na snagu osmog dana od dana objavljivanja u "Službenim novinama Hercegovačko-neretvanskog kantona".

Bosna i Hercegovina
Federacija Bosne i Hercegovine
HERCEGOVACKO-NERETVANSKI KANTON
S K U P Š T I N A

Broj: 02-01-XIX-114/09
Mostar, 28.05.2009. godine

PREDSJEDAVAJUĆI
Ramiz Jelovac,s.r.

149

Na osnovu člana 39. Ustava Hercegovačko-neretvanskog kantona („Službene novine HNK“, broj: 2/98, 4/00 i 7/04), člana 9. stav 1. alineja 4. Zakona o zdravstvenoj zaštiti („Službene novine F BiH“, broj: 29/97), člana 46. i 50. Zakona o budžetima u Federaciji BiH („Službene novine Federacije BiH“, broj: 19/06 i 76/08), te člana 21. Zakona o dugu, zaduživanju i garancijama u Federaciji BiH („Službene novine Federacije BiH“, broj: 86/07), Skupština Hercegovačko-neretvanskog kantona, na sjednici održanoj dana 28.05.2009. godine, donosi

O D L U K U O DAVANJU SAGLASNOSTI

HERCEGOVACKO-NERETVANSKOM KANTONU O ZADUŽENJU ZA KREDIT KOD SAUDIJSKOG FONDA ZA RAZVOJ ZA MODERNIZACIJU ZDRAVSTVENIH USTANOVA NA PODRUČJU HNK

I

Daje se saglasnost Hercegovačko-neretvanskom kantonu o zaduženju za kredit kod Saudijskog fonda za razvoj (putem Razvojne banke Federacije BiH) u iznosu od 10.550.000,00 USD, za modernizaciju zdravstvenih ustanova na području Hercegovačko-neretvanskog kantona.

II

Kredit iz tačke I ove Odluke daje se pod sljedećim uvjetima:

- rok vraćanja 25 godina,
- grace period 5 godina,
- 3,75% godišnja kamata.

III

Sredstva iz tačke I ove Odluke će biti utrošena po projektima zdravstvenih ustanova:

- za Kliničku bolnicu Mostar u iznosu od 6.625.000,00 USD,
- za R.M.C. „Dr. Safet Mujić“ Mostar u iznosu od 3.525.000,00 USD,
- za Opštu bolnicu Konjic u iznosu od 400.000,00 USD,
UKUPNO: 10.550.000,00 USD

IV

Zadužuje se Vlada Hercegovačko-neretvanskog kantona da u saradnji sa resornim ministarstvima i Zavodom zdravstvenog osiguranja Hercegovačko-neretvanskog kantona reguliše međusobne odnose u realizaciji kredita iz tačke I. ove Odluke.

V

Implementator i realizator ovog kredita će biti zdravstvene ustanove iz tačke III ove Odluke, a prema dinamici osiguranja finansijskih sredstava.

VI

Danom stupanja na snagu ove Odluke stavlja se van snage Odluka Skupštine HNK o davanju saglasnosti Zavodu zdravstvenog osiguranja HNK o zaduženju za kredit kod Saudijskog fonda za razvoj, kod Kraljevine Belgije i Investicijske banke F BiH za